

## **PROCEDURA ZA REGULISANI POSTUPAK NABAVKE ENERGIJE ZA POKRIVANJE GUBITAKA NA PRIJENOSNOJ MREŽI**

Dok se ne steknu uvjeti da se električna energija za pokrivanje gubitaka u prijenosnom sistemu može nabavljati na tržištu, po cijenama koje će, barem približno, odražavati troškove proizvodnih jedinica priključenih na prijenosni sistem, a da iznos tarife za sistemsku uslugu neće izazvati tarifni šok kod krajnjih kupaca, NOSBiH će, u skladu sa članom 26. (stav 6) Metodologije za izradu tarifa za usluge prijenosa električne energije, nezavisnog operatora sistema i pomoćne usluge i članom 3. Odluke o tarifama za sistemsku i pomoćne usluge, energiju za pokrivanje gubitaka u prijenosnom sistemu nabavljati na sljedeći način:

- 1) Svi snabdjevači koji električnu energiju preuzimaju iz prijenosnog sistema dužni su da, srazmjerno svom preuzimanju energije, pokrivaju gubitke električne energije u prijenosnom sistemu.
- 2) Udio svakog snabdjevača u pokrivanju gubitaka NOSBiH će odrediti na osnovu podataka iz Bilansa električne energije koji izrađuje NOSBiH. NOSBiH će svim snabdjevačima dostaviti ukupne okvirne količine energije za pokrivanje gubitaka na mjesečnom nivou.
- 3) U cilju izrade dnevnih rasporeda NOSBiH će za svakog snabdjevača odrediti količine električne energije za pokrivanje gubitaka koje će biti uključene u njegov dnevni raspored (transakcija - prodaja električne energije NOSBiH-u). Ova transakcija će biti uključena u izvještaje o unutrašnjoj trgovini snabdjevača i NOSBiH-a.
- 4) NOSBiH će svim snabdjevačima dostavljati planirane obaveze za pokrivanje gubitaka za svaki sat, u danu D-2, za dan D.
- 5) U skladu sa članom 3. Odluke o tarifama za sistemsku i pomoćne usluge, cijena električne energije koja se isporučuje za pokrivanje gubitaka u prijenosnom sistemu iznosi 109,94 KM/MWh.
- 6) Na kraju svakog kalendarskog mjeseca NOSBiH će izraditi energetski i finansijski izvještaj o gubicima za svaki period poravnanja. Sva odstupanja od planiranih vrijednosti prijenosnih gubitaka bit će tretirana kao debalans NOSBiH-a.